

Broj: 06-02-121-25/2019-6
Sarajevo, 03.09.2019. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke imenovane Rješenjem, broj: 09-34-122-R-8/2019 od 07.08.2019. godine, sekretar Vlade Federacije Bosne i Hercegovine, d o n o s i

O D L U K U
O IZBORU NAJPOVOLJNIJEG PONUĐAČA ZA JAVNU NABAVKU USLUGA - PRAVNE
USLUGE U POSTUPKU ARBITRAŽE PRED MEĐUNARODNIM ARBITRAŽNIM SUDOM –
MOL/INA

I.

U cilju odabira najpovoljnijeg ponuđača, a na osnovu Poziva za dostavu ponuda za javnu nabavku usluga - pravne usluge u postupku arbitraže pred Međunarodnim arbitražnim sudom – MOL/INA (usluge iz Aneksa II. dio B. Zakona o javnim nabavkama) (u daljem tekstu: Poziv za dostavu ponuda), evidencijski broj nabavke: 06-02-121-25/2019-1 od 09.08.2019. godine, objavljenog na web stranici Ugovornog organa www.fbihvlada.gov.ba dana 09.08.2019. godine, kao prihvatljiva ponuda ocijenjena je ponuda ponuđača KONZORCIJ (Joint Venture): Walder Wyss LTD. Ciri, Švicarska - nosioc Konzorcija i Advokat Almir Gagula iz Sarajeva - član Konzorcija, sa ukupnom cijenom ponude za tri godine bez PDV-a, u iznosu 3.100.000,00 KM.

II.

Ponuda Ponuđača iz tačke I. ove odluke ocijenjena je prihvatljivom, jer ispunjava sve uslove iz Poziva za dostavu ponuda.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču koji je učestvovao u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka javne nabavke, broj: 06-02-121-25/2019 od 07.08.2019. godine. Javna nabavka provedena je u skladu sa odredbama Pravilnika o postupku dodjele ugovora o uslugama iz Aneksa II. dio B. Zakona o javnim nabavkama („Službeni glasnik BiH“, broj: 66/16). Ukupna procijenjena vrijednost nabavke za tri godine iznosila je 3.600.000,00 KM bez PDV-a. Poziv za dostavu ponuda, broj: 06-02-121-25/2019-1 od 09.08.2019. godine, objavljen je na web stranici www.fbihvlada.gov.ba dana 09.08.2019. godine.

U roku za dostavu ponuda jedan ponuđač dostavio je ponudu u predmetnom postupku nabavke.

Komisija za javne nabavke, imenovana Rješenjem, broj: 09-34-122-R-8/2019 od 07.08.2019. godine, izvršila je pregled i ocjenu ponude, te konstatovala da je ponuda ponuđača KONZORCIJ (Joint Venture): Walder Wyss LTD. Cirihi, Švicarska - nosioc Konzorcija i Advokat Almir Gagula iz Sarajeva - član Konzorcija prihvatljiva.

Komisija je dostavila sekretaru Vlade Federacije Bosne i Hercegovine Zapisnik o pregledu i ocjeni ponuda, broj: 06-02-121-25/2019-5 od 28.08.2019. godine sa preporukom za donošenje odluke o izboru najpovoljnijeg ponuđača KONZORCIJ (Joint Venture): Walder Wyss LTD. Cirihi, Švicarska - nosioc Konzorcija sa registriranim sjedištem u Cirihi, Švicarska IDB/JIB: CHE-103.284.610 i advokat Almir Gagula iz Sarajeva - član Konzorcija, sa registriranim sjedištem u Sarajevu IDB/JIB: 4302371960008, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno izvršila ocjenu kvalificiranosti ponuđača, kao i ocjenu prispjele ponude, shodno kriterijima iz Poziva za dostavu ponuda, te da je izbor izvršen u skladu sa Zakonom o javnim nabavkama, podzakonskim aktima i Pozivom za dostavu ponuda.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđač koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem Ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana (s obzirom da je istovremeno na portalu javnih nabavki objavljeno dobrovoljno ex ante obavještenje o transparentnosti) od dana prijema ove odluke.



Dostaviti:

1. KONZORCIJ (Joint Venture): Walder Wyss LTD. Cirihi, Švicarska - nosioc Konzorcija i advokat Almir Gagula iz Sarajeva - član Konzorcija
2. Komisiji za javne nabavke
3. Sektor za pravne i opće poslove
4. Sektor za materijalno-finansijske poslove